

## 半路竹街（台語文）

作者：蘇晏德

路竹城 半路名 半路竹街古早名  
安平鳳山南北行 古早竹林真有名

路竹城 螺絲城 螺絲出口第一名  
產量世界排頭名 發展經濟望你成 (tshiân)

路竹城 果菜城 花菜賣甲叫阿娘  
柑仔蜜的大本營 滋味甘甜共人啗 (siân)

路竹城 雞卵城 福記鐵卵真出名  
雞卵品質好名聲 金銀趁甲規大廳

路竹城 大廟埕 華山殿府有留名  
先人駐兵的兵營 文化資產的廟埕

路竹城 科技城 科學園區結親情  
帶動就業的工程 經濟起飛全民贏

路竹城 交通城 火車駛入阮庄社  
高速公路經過遮 高鐵車站阮隔壁

路竹城 運動埕 公園內底無山嶺  
數年以後滿樹影 有閒請來路竹行